



შირაქი

SHIRAKI

www.open.ge

გამოდის 1937 წლიდან

დადოფლისწყაროს მუნიციპალიტეტის გაზეთი

№30 (9.744)

6-13 აგვისტო 2016 წელი

ფასი: 50 თეთრი

ყოველკვირეული გამოცემა



მმ.6

ახალი ბიბლიოთეკა გაიხსნა

დადოფლისწყარო 2016



მმ. 3

ნიკოლოზ ჯანიაშვილი: „ჩვენი მუნიციპალიტეტისთვის ორი მნიშვნელოვანი დღესასწაული აღინიშნება და მინდა მოსახლეობას მივულოცო. ამ დღეს ხდება ასევე საპატიო მოქალაქეების გამოვლენა და ამით ვცდილობთ მათი ღვაწლი დავაფასოთ და კიდევ ერთხელ ვუთხრათ მადლობა იმისათვის, რაც ჩვენი მუნიციპალიტეტისთვის გაუკეთებიათ“.



მმ. 8

ირაკლი შიოლაშვილი - სიღნაღი- დადოფლისწყაროს „ქართული ოსნების“ გაუქორცილარი დეპუტატობის კანდიდატი



ვაულოვანის დაცულ ტერიტორიაზე ხანძარმა 200 ჰექტარი გაანადგურა

მმ. 2

„როცა კახეთი მყარად ღბას ფეხზე, საქართველოც ყოველთვის წელში გამართულია“ ...“

მმ.4

საქართველო - რუსეთის 2008 წლის აგვისტოს ომი

მმ.4



ე უ რ ა დ ლ ე ბ ა !

საქართველოს საარჩევნო კოდექსის მუხლი 50.2-4-ით განსაზღვრული მოთხოვნების შესაბამისად, წინასწარჩევნო კამპანიის ფარგლებში, გაზეთი „შირაქი“ ყველა საარჩევნო სუბიექტს დაუთმობს საგაზეთო ფართს პოლიტიკური რეკლამისათვის. 8 ოქტომბრამდე გაზეთი „შირაქი“ ყოველკვირეულად, თითოეულ ნომერში საპარლამენტო არჩევნებში მონაწილე საარჩევნო პარტიებსა და კანდიდატებს გაზეთის ფართს დაუთმობს, რომელიც განკუთვნილი იქნება ფასიანი პოლიტიკური რეკლამისთვის და თანაბრად გადანაწილდება ყველა საარჩევნო სუბიექტზე. ფასიანი პოლიტიკური რეკლამისთვის გამოყოფილი გაზეთის ერთი გვერდის ფასი კი 150 ლარით განისაზღვრება.

თინა ხიდაშელი ლეგან იზორიამ, პაატა ზაქარეიშვილი კი - ქეთევან ციხელაშვილმა შეცვალა

თინა ხიდაშელის შემცვლელად სახელმწიფო უსაფრთხოების სამსახურის უფროსის მოადგილე ლევან იზორია დაინიშნა, ხოლო პაატა ზაქარეიშვილი მისმა მოადგილე ქეთევან ციხელაშვილმა ჩაანაცვლა. თავდაცვის მინისტრმა თინა ხიდაშელმა და შერიგებისა და სამოქალაქო თანასწორობის საკითხებში სახელმწიფო მინისტრმა პაატა ზაქარეიშვილმა თანამდებობები 1 აგვისტოს ოფიციალურად დატოვეს. ორმა "რესპუბლიკელმა" მინისტრმა პრემიერ-მინისტრს 1-ელი აგვისტოდან გადადგომის შესახებ განცხადებით რამდენიმე დღის წინ მიმართა. მათ მიერ თანამდებობების დატოვება "ქართული ოცნებისა" და "რესპუბლიკური პარტიის" მიერ მიღებულ პოლიტიკურ გადაწყვეტილებას უკავშირდება, რომლითაც აღნიშნული პარტიები საპარლამენტო არჩევნებზე დამოუკიდებლად მიიღებენ მონაწილეობას. კიდევ ერთმა "რესპუბლიკელმა" მინისტრმა გიგლა აგულაშვილმა გარემოს დაცვის მინისტრის თანამდებობაზე დარჩენა გადაწყვიტა, რითაც "რესპუბლიკური პარტიას" გამოეყო. აგულაშვილი "ქართული ოცნება-დემოკრატიულ საქართველოსთან" გეგმავს თანამშრომლობას.

შეიარაღებულ ძალებს 270 სამხედრო მოსამსახურე შეემატა

5 აგვისტოდან საქართველოს შეიარაღებულ ძალებს 270 სამხედრო მოსამსახურე შეემატა. სანაწიის საბრძოლო მომზადების კურსდამთავრებულთა ფიცის დადების ცერემონია ეროვნულ სასწავლო ცენტრ კრწანისის "ბაზა ალგეთზე" გაიმართა.

თავდაცვის სამინისტროს ცნობით, ფიცის დადების ცერემონია საქართველოს სახელმწიფო ჰიმნით გაიხსნა. პირადად შემადგენლობამ და სტუმრებმა წუთიერი დუმილით საქართველოს ტერიტორიულ მთლიანობისთვის ბრძოლებსა და საერთაშორისო მისიებში დაღუპული სამხედროების ხსოვნას პატივი მიაგეს.

რეკრუტებს შეიარაღებულ ძალებში განწევრიანება თავდაცვის მინისტრმა ლევან იზორიამ მიულოცა.

"მე, როგორც თავდაცვის მინისტრი, ყველანაირ პირობას შეგიქმნით, რომ ღირსეულად ემსახუროთ თქვენს ქვეყანას. ამ კეთილშობილურ საქმეში საერთაშორისო პარტნიორებზე დაგვეხმარებიან. მუდამ თქვენს გვერდით ვიქნები", - განაცხადა ლევან იზორიამ.

თავდაცვის მინისტრმა საუკეთესო და ფიზიკურად ყველაზე გამძლე კურსდამთავრებულებს სერტიფიკატები გადასცა. საპატიო სიგელები მიიღეს ცეცხლსასროლი იარაღით სროლაში საუკეთესო მსროლელებმა და კურსის საუკეთესო სერჟანტმა.

თავდაცვის სამინისტროს ინფორმაციით, სანაწიის საბრძოლო მომზადების (БНТ) კურსი ათი კვირის განმავლობაში მიმდინარეობდა. რეკრუტებმა საჯარო ნესდებები, კავშირგაბმულობა და სამხედრო ტოპოგრაფია შეისწავლეს. ასევე, სამწყობრო, ტექნიკური, საცეცხლე, სამხედრო სამედიცინო, ფიზიკური და სამხედრო საინჟინრო მომზადება გაიარეს.

საბრძოლო მომზადების (БНТ) ცენტრი 2011 წელს სანაწიის ჩამოყალიბდა. გასულ წელს მას 2008 წლის აგვისტოს ომში დაღუპული უფროსი სერჟანტის ზაზა ფერაძის სახელი მიენიჭა.

მაღალტექნოლოგიური ბექტები გულისცემის სიგნალს გზავნის

თანამედროვე ეპოქაში ახალი ტექნოლოგიების მეშვეობით ადვილია ახლოებელ ადამიანებს შორის კონტაქტი. არსებობს აგრეთვე უახლესი ტექნოლოგიით დამზადებული სპეციალური ბექტები, რომლის მეშვეობითაც შორი მანძილის მიუხედავად ადამიანებს ერთმანეთის გულისცემის მოსმენაც კი შეუძლიათ.

ახალბედა კომპანია თჰე თოუცპ-ის ბექტედი - 3B ლინგ, საფირონის ზედაპირის, უფანგი ფოლადის და ოქროსგანაა დამზადებული. ის ბლუეტოოტპ-ის დახმარებით უკავშირდება აპლიკაციას და ინტერნეტით უგზავნის გულისცემის სიგნალს ნებისმიერ ნერტილში მყოფ მეორე ადამიანს.

გირჩი, ახალი საქართველო და ახალი მემარჯვენეები - ახალი პოლიტიკური ბლოკი საარჩევნოდ

საარჩევნოდ ახალი პოლიტიკური ბლოკი - „ვაშაძე-ჯაფარიძე-ახალი არჩევანი“ შეიქმნა. ერთვნიანი ინტენსიური კონსულტაციების შემდეგ, „სამოქალაქო პლატფორმა - ახალი საქართველო“, ახალი პოლიტიკური ცენტრი „გირჩი“ და პარტია „ახალი მემარჯვენეები“ ერთ ბლოკად ერთიანდებიან.

ახალი პოლიტიკური ბლოკის - „ვაშაძე-ჯაფარიძე-ახალი არჩევანი“ პრეზენტაცია უკვე გაიმართა.

როგორც პარტიების ლიდერები აცხადებენ, საქართველოს ეკონომიკის განვითარების საერთო ხედვა, საგარეო კურსი, პროდასავლური არჩევანი, ინოვაციური

იდევნი და საერთო გეგმები - ეს ის არასრული ჩამონათვალია, რაც მათ პოლიტიკურ ძალებს აერთიანებთ.

ლიდერებს მიაჩნიათ, რომ რესურსების შეჯერებით, ახალი ბლოკი გახდება მეტად კონკურენტუნარიანი და ისინი შეძლებენ საზოგადოებას აჩვენონ შედეგი, რომელსაც მოსახლეობა ელის.

ახალი პოლიტიკური ბლოკის პრეზენტაცია „სამოქალაქო პლატფორმა - ახალი საქართველო“-ს ლიდერმა გიორგი ვაშაძემ, ახალი პოლიტიკური ცენტრი „გირჩი“-ს ლიდერმა ზურაბ ჯაფარიძემ და პარტია „ახალი მემარჯვენეების“ თავმჯდომარემ მამუკა კაციაძემ გამართეს.

უნიკალური აღმოჩენა შავ ზღვაში

გარემოს ეროვნული სააგენტოს უფროსი თამარ ბაგრატი, შავი ზღვისა და მეთევზეობის სამსახურის საერთაშორისო ექსპედიციის მონაწილე სპეციალისტებთან ერთად, აჭარას სტუმრობდა.

თამარ ბაგრატიამ შავ ზღვაში 1960 მეტრ სიღრმეზე განხორციელებული უნიკალური კვლევის შედეგები მედიის წარმომადგენლებს გააცნო.

აღნიშნული სინჯები სხვადასხვა ლაბორატორიებში დამუშავდა და დადგინდა, რომ მიუხედავად მანამდე არსებული თეორიებისა, რომ შავ ზღვაში 150—200 მეტრის სიღრმეზე მხოლოდ გოგირდწყალბადის წარმოქმნილი ორგანიზმები არსებობენ, შავი ზღვის სიღრმისეულ ფენებში ცოცხალი ორგანიზმები ბინადრობენ, რაც იმას ნიშნავს რომ შავ ზღვაში 1960 მეტრის სიღრმეზე აღსანიშნავია, რომ გარემოს ეროვნული სააგენტო მრავალი წელია ახორციელებს საქართველოს შავი ზღვის სანაპიროს მონიტორინგს.

გარემოს ეროვნული სააგენტოს სპეციალისტებმა პროექტ EMBEAM II ფარგლებში საერთაშორისო ექსპედიციაში მიიღეს მონაწილეობა, რუმინელ, ბულგარელ, უკრაინელ, ჩეხ, სლოვაკ და უკრაინელ მეცნიერებთან ერთად, რუმინეთის სამეცნიერო-კვლევითი გემით "Mარე ნიგრუმ". რომელმაც მოიცვა შავი ზღვის ჩრდილო-დასავლეთ შელფის (15 სადგური), შავი ზღვა ოდესიდან—ბათუმამდე (14 სადგური) და შავი ზღვის აღმოსავლეთ ნაწილი — საქართველოს სანაპირო (15 კვლევამ საქართველოს წყლებში მოიცვა კონტინენტური შელფის ღრმა ფენები და ექსკლუზიური ეკონომიკური ზონა, სადაც ბოლო 25 წელზე მეტია კვლევები არ წარმოებულა. ასევე კვლევა მოიცავდა მთელ რიგ კომპონენტებს, მიკროფიტოპლანქტონის, მემბრანული ნარჩენების ზღვაში, ზღვის ხმაური, პოლუტანტების და ნუტრიენტების რიგი კომპონენტები და სხვა.

მეთევზეობისა და შავი ზღვის მონიტორინგის სამსახურის მიერ აღნიშნული ექსპედიციის ფარგლებში აღებული იქნა: ფიტოპლანქტონი 62, მეზოზოოპლანქტონის 53, მაკროზოოპლანქტონის 48, იქთიოპლანქტონის 48 და ზოობენთოსის 22 სინჯი, სულ 233 ჰიდრობიოლოგიური სინჯი. კვლევები მიმდინარეობდა უახლესი და ინოვაციური მეთოდების გამოყენებით. მოიცავდა ყველა ჰიდრობიოლოგიურ ფრაქციას, პოლუტანტებსა და ნუტრიენტებს, ზღვის ნარჩენებს, ზღვის ტუმშვორებს, ოკეანეოლოგიურ და გეოლოგიურ კომპონენტებს.

2015 წლის ჩათვლით მონიტორინგი წარმოებდა 5 სეზონური დაკვირვების სადგურზე, 2016 წლიდან მონიტორინგის სადგურებს ანაკლია შეემატა.

2016 წლიდან, ზღვის ბიოლოგიური მონიტორინგი ისტორიაში წარმართა პირველად არამარტო სეზონური დაკვირვების, არამედ პერმანენტული დაკვირვების სადგურზეც. ამგვარი სისტემა უზრუნველყოფს უწყვეტ მონიტორინგის სანაპიროზე.

აღნიშნული მონიტორინგის სისტემა ევროკავშირის წყლისა და ზღვის სტრატეგიის ჩარჩო დირექტივების პრინციპებთან სრულიად შესაბამისობაშია.


ვაშლოვანის დაცულ ტერიტორიებზე ხანძარმა 200 ჰექტარი გაანადგურა

ვაშლოვანის ეროვნული პარკის მიმდებარე, პატარა შირაქის ტერიტორიაზე ხანძარმა 200 ჰექტარამდე ტერიტორია გაანადგურა. დაცული ტერიტორიების საინფორმაციო ცენტრის ხანძრის გაჩენის სავარაუდო მიზეზი ადამიანის დაუდევრობაა.

ვაშლოვანის დაცული ტერიტორიების დირექტორმა, მერაბ ფიროსმანაშვილმა კახეთის საინფორმაციო ცენტრს განუცხადა, რომ ხანძარი გუშინ გაჩნდა და მისი სალიკვიდაციო სამუშაოები გვიან ღამემდე გაგრძელდა. განადგურებას გადაურჩა როგორც პარკის ტერიტორია, ასევე რეინჯერთა საგუმბაგო სადგური და ტურისტული ინფრასტრუქტურა.

დაცული ტერიტორიების სააგენტო აცხადებს, რომ ზაფხულის მაღალი ტემპერატურის გამო დიდია ხმელი ბალახისა და ხის აალების და ხანძრის გაჩენის საშიშროება. სააგენტო ვიზიტორებს მოუწოდებს, კოცონი მხოლოდ საგანგებოდ ცეცხლის დასანთებად გამოიყენონ ადგილებში ანთონ და მაქსიმალურად დაიცვან უსაფრთხოების ნორმები.

ქართული ჭიდაობის ტურნირი



2 აგვისტოს ელიის ძირას ქართულ ჭიდაობაში ბიძინა მაზიაშვილის ხსოვნისადმი მიძღვნილი ტურნირი გაიმართა. შეჯიბრებაში მონაწილეობას იღებდა 108 სპორტსმენი სხვადასხვა მუნიციპალიტეტიდან: დედოფლისწყარო, ახმეტა, თელავი, გორი, თბილისი, კასპი, მცხეთა, ლაგოდეხი, ყვარელი, საჩხერე, საგარეჯო, ქარელი. პირველი ადგილები დაიკავეს: 60 კგ წონით კატეგორიაში ჩიქინაშვილმა (ქ. თელავი), 70 კგ წონით კატეგორიაში თორთლაძემ (ქ. გორი), 80 კგ წონით კატეგორიაში მახარაშვილმა (ქ. მცხეთა); პირველი ადგილის მფლობელი 90 კგ წონით კატეგორიაში გახდა სარაჯიშვილი (ქ. თელავი) და +90 კგ (მძიმე) მუშლაძე (ქ. ლაგოდეხი).

შეჯიბრებას, რომელიც დედოფლისწყაროს მუნიციპალიტეტის მხარდაჭერით გაიმართა, ქართული ჭიდაობის ფედერაციის პრეზიდენტი გელა ბერუაშვილი და ადგილობრივი მოსახლეობა ესწრებოდა.

კიკბოქსინგი



1 აგვისტოს დედოფლისწყაროს მუნიციპალიტეტში კიდევ ერთი სპორტული ღონისძიება გაიმართა სპორტისა და ახალგაზრდობის საქმეთა ცენტრის ინიციატივითა და ხელშეწყობით. პროფესიონალური ორთაბრძოლები კიკბოქსინგში კ-1 წესით დედოფლისწყაროს ცენტრალურ მოედანზე ჩატარდა. შეჯიბრებაში მონაწილეობას იღებდნენ საქართველოსა და მსოფლიო ჩემპიონები და პრიზიორები ბაქოიდან, ბათუმიდან, თელავიდან, სიღნაღიდან და დედოფლისწყაროდან (გუნდი „ჩემპიონი“). სულ გაიმართა 15 ბრძოლა 57, 60, 65 კგ წონით კატეგორიაში, ყველა მათგანი დამთავრდა დედოფლისწყაროს კიკბოქსინგელთა გამარჯვებით.

ღონისძიებას სახელმწიფო რწმუნებული - კახეთის გუბერნატორი ირაკლი შიოლაშვილი, დედოფლისწყაროს მუნიციპალიტეტის გამგებელი ნიკოლოზ ჯანიაშვილი და ადგილობრივი მოსახლეობა ესწრებოდა.

დედოფლის წყარო 2016

უკვე მეოთხე წელია, დედოფლის წყარო ელია თეზიტელის ხსენების დღეს და „დედოფლის წყარო“ ერთდროულად აღნიშნავს ტრადიციულ იმპერატორულ გამგებლის ირაკლი შიოლაშვილის ინიციატივით დამკვიდრდა. შიოლაშვილი ამბობს, რომ სურვილი ჰქონდა, სხვა ქალაქების მსგავსად, საკუთარი დღესასწაული დედოფლის წყაროსაც ჰქონოდა. ის მოხარულია, რომ „დედოფლის წყარო“ სახალხო დღესასწაულია და მასშტაბური სახე მიიღო. ჩვეულებისამებრ 2 აგვისტოს საღამოს გრანდიოზული კონცერტი გაიმართა, სადაც საპატიო დედოფლის წყაროები გამოავლინეს. ამავ კონცერტზე შედგა კახეთზე ახლადშექმნილი სიმღერის პრემიერა, რომელიც ასევე ირაკლი შიოლაშვილის სურვილითა და მხარდაჭერით შეიქმნა.

ტექსტის ავტორი ცნობილი პოეტი ნანა ცინცაძეა, ნების მანძილზე მის ტექსტზე არაერთი ცნობილი პოეტი შექმნილა. მუსიკაზე კი გია ნიკოლაძემ და დავით არჩვაძემ იმუშავეს და საერთო ჯამში შესანიშნავი დუეტი დაიბადა, რომელმაც მსმენელის მოხიბვლა მალევე შეძლო. ტელე და რადიო ეთერებში ახალი სიმღერის პრეზენტაცია უკვე შედგა, პირველად კი სწორედ დედოფლის წყაროს სცენაზე აუღერდა.

ნანა ცინცაძე: „ერთ მშვენიერ საღამოს გუბერნატორის მხრიდან გაჩნდა იდეა, რომ სხვა კუთხეების მსგავსად კახეთზეც შექმნილიყო კიდევ ერთი გულიანი სიმღერა, რომელშიც ამ უძველესი მიწის, კახეთის სიყვარული გამოიხატებოდა. თავიდანვე არჩევაში გია ნიკოლაძეზე შევარჩერეთ, რადგან მისი ყველა სიმღერა მალე ჰიტდება. დაინერა ეს სიმღერა და გაოცებული ვარ, მსმენელმა პირველივე დღიდან უპრეცედენტოდ კარგად მიიღო. არ მასსოვს სიმღერის პრემიერა, რომელსაც ამხელა გამოხმაურება მიეღო. დათო არჩვაძემ არჩვეულებრივად კარგად გაშალა ეს სიმღერა, დიდი შრომა ჩადო გია ნიკოლაძემ, ყველას დიდი მადლობა მინდა ვუთხრა. ასევე მადლობა ბატონ ირაკლი შიოლაშვილს, კახეთის სიყვარულისთვის, ამ სიმღერისთვის და დღევანდელი დღისთვის.“

ბიკ ნიკოლაძე: „ეს სიმღერა ნუნუ დულაშვილის მიერ შექმნილ „კახეთს“ ზურგს უმაგრებს და ის კლასიკაც მოხსენიებულია ამ ვერსიაში. ჩვენ შევეცადეთ თანამედროვე ვერსია შეგვექმნა. დათო არჩვაძე რომ არ დაემხარებოდა, ვერ ჩავწერდით ამ სიმღერას. ძალა ერთობაშია და ერთობლივი ძალებით შეიქმნა. მიხარია, რომ გამოვიდა და ხალხს მოეწონა.“

დათო არჩვაძე: „ეს სიმღერა არის აბსოლუტურად ახალი სიტყვა, ახალი ძალა, განსხვავებულ ჟანრში შესრულდა და აუცილებლად დარჩება და მალე გახდება ჰიტი. დულაშვილის „კახეთი“ და ყველა სიმღერა კახეთზე მართლაც შეუდარებელია, მაგრამ მიხარია, რომ ამჯერად ახალი სიტყვა ითქვა და მთავარი ისაა, რომ პირველად შესრულდა და მასურებული აგვიყვა. ვხედავდი, ხალხი ღიღინებდა, ეს კი უკვე სიმღერის გამარჯვებაა და იმაზე მეტყველებს, რომ ხალხს მოეწონა.“

ირაკლი შიოლაშვილი: „როგორც რიგით დედოფლის წყაროს ყოველთვის გული

მწყდებოდა, რომ არაფერი არ კეთდებოდა. თამამად შეიძლება ითქვას, რომ დედოფლის წყარო სრულიად მიტოვებული რაიონი იყო. დღეს მივედით განვითარების იმ ეტაპზე, რომ გზებიც გვაქვს, საბავშვო ბაღებიც, ბიბლიოთეკებს და იუსტიციის სახლებს ვესწნით, ვაგრძელებთ აღმშენებლობას და კიდევ უამრავი საქმეა, რომელსაც ეტაპობრივად გავაკეთებთ. ყველა რაიონს აქვს თავისი დღეობა, მაგრამ, რატომღაც, დედოფლის წყაროს ეს დღე არ ჰქონდა. როდესაც გამგებელი გავხდით, მაშინ გადავწყვიტეთ, რომ ამ უღამაზეს რაიონს ჰქონდეს „დედოფლის წყარო“ და მას შემდეგ ტრადიციად იქცა. ხდება საპატიო მოქალაქეების გამოვლენა და ხალხი ზეიმობს.“

რაც შეეხება ახალ სიმღერას ჩვენს რეგიონზე. ამ სიმღერაზე მუშაობა ერთი წლის დავიწყეთ, ბევრჯერ შეიცვალა ტექსტიც, მუსიკაც ჩასწორდა. ბედნიერი ვარ, რომ პრეზენტაციის შემდეგ ამხელა გამოხმაურება ჰქონდა. მინდოდა პრეზენტაცია დედოფლის წყაროში მომხდარიყო და ასეც დაგეგმეთ. მინდა კახელებს ვუთხრა, რომ რეგიონში რა ღონისძიებაც დაიგეგმება, ყოველთვის გააუღერდება ეს სიმღერა და ყველგან მოვეფერებით კახელებს. რაც მინდოდა კახელებისთვის მეთქვა, ვფიქრობ მოხერხდა სათქმელის მიტანა. ორ წელზე მეტი მხარის გუბერნატორი ვარ და იცით, რომ ხშირად ვხვდები მოსახლეობას. არ არსებობს დღე, როცა მოსახლეობას არ შევხვდე. ხშირად სავარგულებზეც დავდივარ და მშრომელ გლეხებს ვხვდები, ყოველდღიურად ვხვდავ მათ ყოფას და იმდენად მაგრები ვართ კახელები, რომ ეს მინდოდა მეთქვა მათთვის. ჩემი გამოსახვიდან ყველაზე მშრომელები, ყველაზე ერთგულები და ყველაზე მაგრები კახელები არიან. მინდოდა ამ სიმღერაში ეს ყველაფერი ჩაგვედო. მე ვთვლი, ტექსტი და მელოდია ისე აენყო, რომ ეს ყველაფერი მოიცვა. კახეთის სიმღერებს და ერთიანობას ხაზი გავსვა და კახეთის სიყვარულისთვის დაინერა.“

ნიკოლოზ ჯანიაშვილი: „ჩვენი მუნიციპალიტეტისთვის ორი მნიშვნელოვანი დღესასწაული აღინიშნება და მინდა მოსახლეობას მივულოცო. ამ დღეს ხდება ასევე საპატიო მოქალაქეების გამოვლენა და ამით ვცდილობთ მათი ღვაწლი დავაფასოთ და კიდევ ერთხელ ვუთხრათ მადლობა იმისათვის, რაც ჩვენი მუნიციპალიტეტისთვის გაუკეთებიათ.“

მეუფე დიმიტრი: „ელიაობა უდიდესი დღესასწაულია, რადგანაც წმიდა ელია თეზიტელი წინასწარმეტყველთა შორის გამორჩეული იყო თავისი ცხოვრებით. ის მოსავლის მფარველად ითვლება და საქართველოში, განსაკუთრებით კი ქიზიყში, გლეხების ცხოვრება ყოველწლიურად დამოკიდებულია მოსავლიანობაზე, ამიტომ წმინდა ელია თეზიტელისადმი სასოება ძალიან დიდია. სრულიად საქართველოს ვულოცავ ამ ბრწყინვალე დღესასწაულს.“

დეკანოზი ნიკოლოზ ლომსაძე: „ძალიან მნიშვნელოვანი დღესასწაულია მართლმადიდებელი სამყაროსთვის და განსაკუთრებით დედოფლის წყაროსთვის, რადგან ელიას მთაზე აღინიშნება ღამისთევა.“



ეს მონასტერიც ელია თეზიტელის სახელზეა აგებული. 2008 წლიდან ტაძარი აღდგენილია და ღამისთვის მსახურებები სრულყოფილად მიმდინარეობს. ადრეც ვატარებდით, მაგრამ მაშინ მხოლოდ პარაკლისი ტარდებოდა, რადგან საშუალება არ იყო. მინდა მივულოცო პატრიარქს ანგელოზის დღე და ყველა დედოფლის წყაროს.“

ამავე დღეს დაავილოვდნენ დედოფლის წყაროს საპატიო მოქალაქეები, წარმატებული დედოფლის წყაროელები და ასევე გასული წლებისგან განსხვავებით გამოვლინდნენ საუკეთესო აბიტურიენტებიც, რომელთაც საშუალო განათლება წარმატებით დაასრულეს.

ბიკ ალუიშვილი (მხატვარი), დედოფლის წყაროს საპატიო მოქალაქე: „ძალიან დიდი განცდა მაქვს, ყველაზე მეტად ვღელავ, უზომოდ მიყვარს ჩემი რაიონი და ჩემი ქვეყანა. ამ წოდების მიღების შემდეგ, რა თქმა უნდა, კიდევ უფრო დიდი შემართებით გავაკეთებ იმ საყვარელ საქმეს, რითაც ვემსახურები ჩემს ქიზიყს და ჩემს საქართველოს. უღრმესი მადლობა ყველას დაფასებისთვის. მადლობა ჩემს ღამაზ ხალხს, მადლობა მეუფეებს და მამაობს.“

ილია გარტყოფლიშვილი

„როცა კახეთი მყარად დგას ფეხზე, საქართველოც ყოველთვის წელში გამართულია...“

ჩვენ ხალხს მივეცი ყველაზე მთავარი, რაც სახელმწიფოსგან სჭირდება ადამიანს - ღირსეული მოპყრობა, დაფასება, ზრუნვა, - ამის შესახებ საქართველოს პრემიერ-მინისტრმა გიორგი კვიციანიძემ თელავში, „ქართული ოცნების“ კახეთის მაჟორიტარი დეპუტატობის კანდიდატების წარდგენისას განაცხადა.

მან ისაუბრა იმ ცვლილებებზე, რომლებიც „ქართულმა ოცნებამ“ 2012 წლიდან დღემდე განახორციელა. „კახეთის სიდიერე მთელი საქართველოს სიდიერეა და როცა კახეთი მყარად დგას ფეხზე, საქართველოც ყოველთვის წელში გამართულია. გავიხსენებ 2012 წელს, როცა კახეთში ქუდივ კაცი გამოვიდა და მხარი დაუჭირა „ქართული ოცნებას“. და მაშინ, ბიძინა ივანიშვილის მეთაურობით ჩვენ, ყველამ ერთად, მოვიგეთ ბრძოლა და ეს იყო ბრძოლა საქართველოსთვის! ამ 4 წელიწადში ჩვენ ძალიან ბევრი ვიმუშავეთ იმისთვის, რომ ჩვენი ხალხის მდგომარეობა უკეთესობისკენ შეგვეცვალა. ყველამ იცით, რა დაგვხვდა ხელისუფლებაში რომ მოვედით - დამინებული საზოგადოება, ხელისუფლებისგან მიტოვებული, უქიმოდ და უნაშლოდ დარჩენილი ადამიანები, მძიმე მდგომარეობაში მყოფი გლეხები და აღარ გავაგრძელებ იმ უბედურებების ჩამოთვლას, რომლებიც ყველამ ერთად გამოვიარეთ“, - განაცხადა პრემიერმა.

როგორც გიორგი კვიციანიძემ აღნიშნა, დღეს ყველას შეუძლია მთავრობას კიდევ უფრო მეტი მოსახოვოს. „დღეს ჩვენი ხალხი თავისუფალია, ყველას შეუძლია მოსახოვოს მთავრობას კიდევ უფრო მეტი, დღეს აღარ არსებობს ხელისუფლების ძალმომრეობის შიში. ეს სულ ახლახან ხდებოდა, მაგრამ მოუხედავად ამისა, ჩვენ დავძლიეთ

მძიმე წარსული და ვფიქრობთ მომავალზე, ქვეყნის შენებაზე. ჩვენ ხალხს მივეცი ყველაზე მთავარი, რაც სახელმწიფოსგან სჭირდება ადამიანს - ღირსეული მოპყრობა, დაფასება, ზრუნვა. ჩვენ გავაკეთეთ მაქსიმუმი, მაგრამ, რა თქმა უნდა, ერთდროულად ყველა პრობლემა არ გვარდება“, - განაცხადა კვიციანიძემ.

მისი თქმით, მთავრობა ზრუნავს იმაზე, რომ გლეხი მარტო მევენახე კი არ იყოს, არამედ ღვინის წარმოებაც შეეძლოს და შემოსავალიც შესაბამისი ჰქონდეს. „ვაზი და ვენახი წმინდა ქართველი კაცისთვის, და ჩვენ განსაკუთრებულად ვზრუნავთ სწორედ მევენახეობაზე. ეს არის ჩვენი ფესვები, ჩვენი სამშობლოს სიმბოლო და ჩვენ ვალდებული ვართ შევინახოთ, გავაგრძელოთ და შევიღებოთ გადაცემით მამა-პაპათა ტრადიციები. ჩვენ იმაზეც ვზრუნავთ, რომ გლეხი მარტო მევენახე კი არ იყოს, არამედ ღვინის წარმოებაც შეეძლოს და შემოსავალიც შესაბამისი ჰქონდეს“.

როგორც პრემიერმა აღნიშნა, წელს ყურძნის სუბსიდირებისთვის 25 მილიონი ლარი გათვალისწინებულია. „წელს ყურძნის სუბსიდირებისთვის 25 მილიონი ლარი გათვალისწინებულია, 100-მდე ღვინის საწარმო ჩაიბარებს წელს ყურძენს და მოსავალი არ დარჩება ჩაუბარებელი. ჩვენი განსაკუთრებული მიდგომა შედეგს გამოიღებს და ჩვენ დარწმუნებული ვართ, რომ ქართული ღვინო თავის კუთვნილ ადგილს დაიკავებს მსოფლიოს საუკეთესო ღვინოების გვერდით და ღირსეულ კონკურენციასაც გაუწევს ცნობილ ქვეყნებს“, - განაცხადა პრემიერ-მინისტრმა.

შემდეგ კახეთის მოსახლეობას ვიცე-პრემიერმა კახი კალაძემ მიმართა. „ჩვენ მას

მერე, რაც დავამარცხეთ ერთობლივი ძალისხმევით ძალადობრივი რეჟიმი, გვექონდა ორი არჩევანი - უახლესი ისტორიის მაგალითების მსგავსად რევანშზე და დასჯაზე უნდა გვეფიქრა პირველ რიგში, ან უპირველეს ყოვლისა ჩიხში შეყვანილი ქვეყნის განვითარებაზე და ნორმალურ გზაზე დაყენებაზე გვეზრუნა! ჩვენ ავირჩიეთ ბევრად უფრო რთული, არაპოპულისტური გზა და მისხალ- მისხალი, ჩუმად და რუდუნებით დავინყეთ ჩვენი სამომავლო კეთილდღეობისთვის საძირკვლის ჩაყრა. დავინყეთ ჯანდაცვის, განათლების სოფლის მეურნეობის რეფორმები, დავინყეთ მცირე და საშუალო ბიზნესის ხელშეწყობა. შევქმენით ყველა პირობა იმისთვის, რომ ადგილობრივ მოსახლეობას, ვისაც სურვილი ჰქონდა ბიზნესი ეწარმოებინა, არ შეეძინებოდა, რომ ვინმე წილში ჩაუჯდებოდა ან ვინმე ფულს ჩაატანინებოდა, ან სახელმწიფოზე მუალამით გადააფორმებინებოდა ნაშრომს და ნაჯაფს“, - განაცხადა კალაძემ.

„ხალხმა ირწმუნა, რომ ამ ქვეყანაში დემოკრატიული პროცესები დაიხსოვდა. ხალხმა ირწმუნა, რომ თავისუფალი გახდა! ხალხმა დაინახა, რომ შიში წარსულში დარჩა და ხალხი მიეცა შრომასაც, დასვენებასაც, ქებასაც და კრიტიკასაც“, - აღნიშნა კალაძემ.

ვიცე-პრემიერმა კახეთის ტურისტულ პოტენციალზეც ისაუბრა. „კახელი გლეხის გარჯა, ღვინის სახლები და საოჯახო სასტუმროები, კახური სურვილის პოპულარიზაცია, ტურისტული ზონები - მარტო ახტალა რა საერთაშორისო მნიშვნელობის განძი გაქვთ! ეს ყველაფერი თქვენია, ეს ყველაფერი თქვენი პროგრესის საფუძველია, ეს იძლევა ალანის ველივით უკიდვარო შეძლებლობებს დოვლათის, კეთილდღეობის შესა-

ქმნელად, თითოეული კახური ოჯახისთვის და საქართველოსთვის მთლიანობაში“, - განაცხადა კალაძემ.

როგორც მან აღნიშნა, საქართველო წარსულში არ დაბრუნდება. „ჩვენ არასდროს დავბრუნდებით წარსულში. ჩვენი დამოუკიდებლობა ტკივილით დაიხსოვდა, განუკითხაობით გაგრძელდა, ჩვენი დემოკრატია ფასადური იყო და კლანური მმართველობით და ძალადობრივი რეჟიმით იჩაგრებოდა! ჩვენი მომავალი იყო ბუნდოვანი, ჩვენი განვითარება კი შეფერხებული იმიტომ რომ საქართველოში კანონი არ კანონობდა! იმიტომ რომ საქართველოში ქვეყნის განვითარების გეგმა და მთავარი--- ხელისუფლების კეთილი ნება არ არსებობდა! არ არსებობდა პასუხისმგებლობა ხალხის წინაშე! არ არსებობდა თვისუფალი საზოგადოება“, - განაცხადა კალაძემ.

მისივე თქმით, „ქართული ოცნება“ არჩვენებში კიდევ ერთხელ გაიმარჯვებს. „ჩვენ, „ქართულმა ოცნებამ“ მივიღეთ ეს პატივი და ვალდებული ვართ ხალხსგან 2012 წელს! და ამ ნდობის მანდატით ხელში დავინყეთ ბევრი კარგი საქმე, ბევრი კარგი რეფორმა! ჩვენ დარწმუნებული ვართ, რომ კვლავაც ხალხთან ერთად, თქვენთან ერთად გავაგრძელებთ ამ დიდ საქმეს და ამ შემოდგომაზე კვლავ მხარდამხარ, ერთმანეთის გვერდში დგომით მოვიპოვებთ კიდევ ერთ გამარჯვებას და ეს ჩვენი გამარჯვება იქნება კანონიერების, პროგრესის საბოლოო გამარჯვება ყველაფერ იმ ცუდზე, რაც ერთხელ და სამუდამოდ დავტოვეთ წარსულში! ერთად ავაშენოთ საქართველო! ერთად შევექმნათ ჩვენი კეთილდღეობა! ერთად ავხილავთ ოცნებები და ვაქციოთ რეალობად“, - განაცხადა კახი კალაძემ.

საქართველო — რუსეთის 2008 წლის აგვისტოს ომი

2008 წლის დასაწყისიდან მოსკოვის, მისი მარიონეტული რეჟიმებისა და თბილისის მხრიდან პერიოდულად ვითარების დაძაბვის (ცდელიბისა და პროვოკაციების თაობაზე ურთიერთრუსულდებები ისმოდა. ქართულ-რუსული ურთიერთობები განსაკუთრებულად ნატოს ბუქარესტის სამიტის შემდეგ დაიძაბა, რომელიც პარილის პირველ რიცხვებში გაიმართა და ალიანსის წევრმა სახელმწიფოების ლიდერებმა ლად განაცხადეს, რომ საქართველო აუცილებლად გახდება ნატოს წევრი, თუმცა არ მიანიჭეს MAP-ი, რაც გახდა ერთ-ერთი მთავარი მიზეზი რუსეთისათვის, ემოქმედა შედარებით თავისუფლად, მაგრამ აღსანიშნა, რომ განცხადებამ რუსეთის უკიდურესი გალიზიანება გამოიწვია. რუსეთის საგარეო საქმეთა მინისტრმა სერგეი ლავროვმა განაცხადა, რომ მოსკოვი ყველაფერს გააკეთებს, რათა საქართველო ნატოს წევრი არ გახდეს.

ვლადიმერ პუტინმა კი აღნიშნა, რომ რუსეთს ნატოს პოზიციის საპასუხოდ „საშინაო მონახაზები“ მზად აქვს. 31 მაისს რუსეთმა რკინიგზის ხაზის აღდგენის მოტივით, აფხაზეთის დე-ფაქტო რესპუბლიკაში სარკინიგზო ჯარები შეიყვანა და სამუშაოები დაგვირგნო ერთი თვით ადრე (ავგისტოს ომის დაწყებამდე ერთი კვირით ადრე) დაასრულა. პარალელურად, მწვაედებოდა ვითარება ცხინვალის რეგიონში. ქართული სოფლები თითქმის ყოველდღე იბომბებოდა. 30 ივლისს რუსეთის საგარეო საქმეთა მინისტრმა სერგეი ლავროვმა განაცხადა, რომ ნატოს წევრად დასაბუთების დაპირისპირების დაწყების საფრთხე რეალური იყო. პირველ ავგისტოს ომში შეიარაღებულ ფორმირებასა და ქართველ ძალოვნებს შორის შეტაკება მოხდა. ეს იყო ბოლო პერიოდის ყველაზე

სერიოზული შეტაკება, რომლის შედეგად 6 შეიარაღებული ოსი დაიღუპა, 7 კი დაიჭრა. წულის, ანევის, დვანის და სხვა ქართული სოფლების დაბომბვა კვლავ გაგრძელდა.

7 აგვისტოს ცხინვალში დე-ფაქტო ვიცე-პრემიერთან ბორის ჩოჩიევთან მოლაპარაკების გასამართად გაემგზავრა რეინტეგრაციის საკითხებში საქართველოს სახელმწიფო მინისტრი თემურ იაკობაშვილი. შეხვედრას უნდა დასწრებოდა რუსეთის საგარეო საქმეთა მინისტრის საგანგებო დავალებათა ელჩი იური პოპოვი, მაგრამ მან ავტომობილი დაზიანება მოიმიზეზა და ცხინვალში აღარ ჩავიდა. იაკობაშვილმა მხოლოდ რუსი სამშვიდობოების სარდალთან, მარატ კულანბეგოვთან შეხვედრა მოახერხა და ცხინვალში მალე დატოვა. ლია სამხედრო მოქმედებები დაიხსოვდა ფართომასშტაბიანი ქართული სამხედრო ოპერაციით, რომელიც განხორციელდა ქალაქ ცხინვალისა და მისი შემოგარენის მიმართულებით 2008 წლის 7-8 აგვისტოს ღამეს. ოპერაცია საქართველოს მასიური საარტილერიო შეტევით დაიწყო. სამხედრო ოპერაციის დაწყებისთანავე, საქართველოს გაერთიანებული სამშვიდობო ძალების სარდალმა, ბრიგადის გენერალმა მამუკა ყურაშვილმა განაცხადა იმის შესახებ, რომ სამხედრო ოპერაცია მიზნად ისახავდა სამხრეთ ოსეთის ტერიტორიაზე კონსტიტუციური წეს-



რიგის აღდგენას, ხოლო ოდნავ მოგვიანებით საქართველოს მხარე უარყო მამუკა ყურაშვილის განცხადება, როგორც უფლებამოსილების არმქონე პირის მიერ გაკეთებული

დაკავება, მაგრამ რუსული ავიაციის იერიშის შემდეგ უკან დაიხიეს. რუსულმა ავიაციამ საჰაერო იერიში მიიტანა საქართველოს სხვადასხვა ქალაქში განთავსებულ სამხედრო ბაზებზე და აეროდრომებზე. ორჯერ დაიბომბა გორი, მათ შორის სამხედრო ბაზის ტერიტორია. რუსულმა ავიაციამ თბილისის ვაზიანის ბაზა, საავიაციო ქარხანა, ქვიშანის მთაზე მდგარი რადარი, ფოთის პროტი, სენაკისა და მარნეულის სამხედრო ბაზებიც დაბომბა. რუსეთის 58-ე არმიამ, ცხინვალისა და სოხუმის სეპარატისტული რეჟიმების მიერ კონტროლირებად ტერიტორიებთან ერთად, ახალგორის რაიონი, კოდორის ხეობა, ზუგდიდი, გორის რაიონის რამდენიმე სოფელი, საჩხერის რაიონის სოფელი პერევი დაიკავა. აქტიური საბრძოლო მოქმედებების შეწყვეტა მხოლოდ საფრანგეთის პრეზიდენტ, ნიკოლა სარკოზის ჩარევის შედეგად მოხერხდა.

12 აგვისტოს სარკოზიმ 6-პუნქტიანი სამშვიდობო გეგმა ჯერ მოსკოვში, შემდეგ კი თბილისში შეათანხმა. 8 სექტემბერს მედვედევთან და სააკაშვილთან სამშვიდობო გეგმის ახალი დეტალები დააზუსტა. ხელშეკრულება მიღებულ იქნა, მაგრამ დღემდე შეუსრულებელი რჩება.

რუსული ინტერვენციის შედეგად დაიღუპა საქართველოს 228 მშვიდობიანი მოქალაქე, 146 სამხედრო პირი, 14 პოლიციელი.

დაკარგულად მიიჩნევა 23 ჯარისკაცი. სახლი დატოვა თითქმის 150 ათასმა ადამიანმა. ამათგან 30 ათასამდე დღემდე დევნილობაში რჩება. 26 აგვისტოს რუსეთის პრეზიდენტმა დიმიტრი მედვედევმა აფხაზეთისა და ე.წ. სამხრეთ ოსეთის (სამჩაბლო) დამოუკიდებლობის აღიარების ბრძანება გამოაცხადა. მოსკოვის ამ გადაწყვეტილებას დღემდე მხარი მხოლოდ დაჯგუფება „ჰამასმა“, ნიკარაგუამ, ვენესუელამ და ნაურუმ დაუჭირეს, ისიც განცხადების დონეზე. 8 სექტემბრის შეთანხმების მიხედვით, რუსულ შეიარაღებულ შენაერთებს კონფლიქტის ზონების გარეთ მდებარე ტერიტორია ერთი თვის ვადაში უნდა დაეტოვებინათ. პირველი ოქტომბრიდან კი საქართველოში პატრულირება ევროკავშირის დამკვირვებლებმა დაიწყეს. 10 ოქტომბერს, რუსული ჯარების გაყვანის პროცესის შესამოწმებლად, გორის რაიონის საფრანგეთის საგარეო საქმეთა მინისტრი ბერნარ კუშნერი ეწვია და რამდენიმე სოფელი მოინახულა, მისი შეფასებით, მოსკოვმა შეთანხმება მხოლოდ ნაწილობრივ შეასრულა. რუსი ოკუპანტები კვლავ დარჩნენ სოფელ პერევიში, რომელიც 12 დეკემბერს მხოლოდ რამდენიმე საათით დატოვეს. კონფლიქტის მოსაგვარებლად მოლაპარაკებები უწყვის კონსულტაციების ფორმატში გაგრძელდა. მასში საქართველოს, რუსეთის, აშშ-ის, ევროკავშირის, გაეროს და ეუთოს წარმომადგენლები იღებენ მონაწილეობას. შეხვედრებს, რუსული დელეგაციის შემადგენლობაში, სოხუმისა და ცხინვალის რეჟიმების წარმომადგენლებიც ესწრებოდნენ. უწყვის ფორმატში გამართული სამი შეხვედრა, ფაქტობრივად, უშედეგოდ დასრულდა, ხოლო საქართველოში ეუთოს მისიის მანდატის 2009 წელში გაგრძელების გადწყვეტილებას რუსეთმა 26 დეკემბერს ვეტო დაადო.

განახლებული პროფესიული სასწავლებელი სამრეკლოში და თექის ნამუშევრების გამოფენა მუზეუმში

დედოფლისწყაროს მხარეთმცოდნეობის მუზეუმი გამოემართა მუშაობს საზოგადოებას გააცნოს ისეთი ხელოვნები, მხატვრები, მუსიკოსები და ღვანდოსი ადამიანები, ძველი თუ ახალი სახეები, რომლებსაც გარკვეული წვლილი შეაქვთ და შეიტანენ მომავალში დედოფლისწყაროს კულტურული ცხოვრების განვითარებაში. ეს ჩვენი ისტორიაა. ამიტომაცაა, რომ ჩვენი გაზეთის ჟურნალისტები, მუზეუმის თანამშრომლები, რაიონის ხელმძღვანელობა ყველა ერთად ვიღვით ხელი შევუწყობთ და წარმოვჩინოთ ასეთი შემოქმედებითი ნიჭის მქონე ადამიანები. კიდევ ერთ ასეთ მისიას ემსახურებოდა მხარეთმცოდნეობის მუზეუმში გამართული თექის ნამუშევრების გამოფენა, რომელიც ამჯერად სოფელ სამრეკლოში არსებულმა საზოგადოებრივმა პროფესიულმა კოლეჯმა „აისმა“ წარმოადგინა. ხევისურული პეიზაჟები, შოთა რუსთაველი, ქალი გაშლილი თმებით, მერცხლები, ქოთნის ყვავილები, ეზოს გვირგვინები, ქალების კაბები - ეს იმ ნამუშევართა ჩამონათვალია, რომელიც გამოფენაზე ვიხილეთ.

კოლეჯის დირექტორმა ანზორ კირვალიძემ, რომელიც 1994 წლიდან აღნიშნულ პროფესიულ სასწავლებელში მუშაობს, ხოლო 1997 წლიდან უკვე დირექტორის თანამდებობას იკავებს,

ჩვენთან საუბარში იმ საკითხებზე გაამახვილა ყურადღება, რომელიც, შესაძლოა, ჩვენი საზოგადოებისთვის უცნობია. —გამოფენის იდეა მუზეუმის დირექტორს ლალი გურასპაულს დაებადა, ჩვენც სიამოვნებით დავთანხმდით, რადგან გვი-



და პოპულარიზაცია გაუწიოთ ჩვენს ნამუშევრებს და ყველამ გაიგოს, თუ რა შემოქმედებითი მუშაობა მიდის სამრეკლოს პროფესიულ სასწავლებელში. შესაძლოა, რაიონის მოსახლეობამ ჯერ არც იცის, რომ სამრეკლოს ყოფილი პროფესიული სასწავლებელი განახლდა, როგორც შენობის რესტავრირების თვალსაზრისით, ასევე ახლებუ-

რი სწავლების მეთოდებით და გამდიდრდა ახალი პროფესიებით. სახელმწიფომ და განათლების სამინისტრომ ჩვენი სასწავლებელი აქცია თანამედროვე ტიპის ევროსტანდარტულ შენობად, გვაქვს ყველა პირობა და ხელშეწყობა, რომ წარვმართოთ

ხარისხიანი სწავლება, ამასთან, გაზარდა პროფესიების ჩამონათვალი. ჩვენ, დღესდღეობით, 17 თვიანი კურსით ვასწავლით და სერთიფიკატებს ვაძლევთ რვა სპეციალობაში. ესენია: ვეტერინარია, ექთნის თანამშემდეგ, ელექტროკოსი, ტრაქტორისტ-მემანქანე, თექის ხელოსანი, ბუღალტერ-ტექნიკოსი, სტილისტი და კალატოზი.

თექის ხელოვნების პედაგოგებმა იამზე ალულიშვილმა და ნინო ბურდულაძემ აღნიშნეს, რომ მათი ინტერესია, რაიონის მოსახლეობის უფრო მეტმა ნაწილმა გაიცნოს სამრეკლოს სასწავლებელში არსებული პირობები და ამასთან, მოსახლეობას გაუჩნდეს სურვილი, დაეუფლოს ამ პროფესიებს.

—თექის წარმოება ეროვნული საქმეა, მისი დავინყება ქართველებს არ გვებატება, მით უმეტეს, მას აქვს დღესდღეობით კარგი გასაქანი, ტურისტები ინტერესდებიან და გასაღების ბაზარიც არ ჭირს. გვინდა, რაც შეიძლება მეტმა ქალმა და ახალგაზრდამ ისწავლოს ეს ხელობა და შემდეგში გამოიყენოს. ჩვენი სასწავლებელი საშუალებას აძლევს ნებისმიერ მსურველს, უფასოდ მიიღოს ჩვენთან ეს ცოდნა. დიასახლისებს, სურვილის შემთხვევაში, შეუძლიათ შეისწავლონ, შემდეგ კი ეს ბიზნეს-საქმიანობად აქციონ, მოსწავლეებსაც შეუძლიათ გაკვეთლების შემდეგ, შეისწავლონ ეს საქმე. ასევე იმ ადამიანებმა, ვინც უმაღლესი დამათავრა, მაგრამ დაუსაქმებლები არიან. ყველა მათგანისთვის ჩვენი კარი ფართოდაა ღია, ამჟამად 12 კურსდამთავრებული გვყავს, აგვისტოს ბოლოს კვლავ მივიღებთ განცხადებებს და სექტემბრიდან დავინყებთ ახალი ჯგუფის სწავლებას,

გვაქვს ყველა ხელშეწყობა. ნედლეულსაც კი განათლების სამინისტრო გვიძენს, ჩვენთან სრული კომფორტია-გვაქვს ცხელი წყალი და კანალიზაცია, რაც თექაზე მუშაობისთვისაა საჭირო. ამჯერად ვმუშაობთ რეალიზაციის ბაზრის ათვისებაზე და იმედი გვაქვს, მალე ჩვენი ნაწარმის რეალიზაციიდან აღებული თანხით შევიძინებ ნედლეულს, —ამბობენ ჩვენთან საუბარში ქალბატონები იამზე ალულიშვილი და ნინო ბურდულაძე, რომელთაც ეს ტრადიცია მთიდან დედოფლისწყაროში ჩამოიტანეს.

გამოფენას უძღვებოდა მუზეუმის დირექტორი ლალი გურასპაული, სოფელ სამრეკლოს ქალთა გუნდმა „კელაპტარი“ (ხელმძღვანელი გაიოზ ხუციშვილი) შეასრულა რამდენიმე ხალხური სიმღერა, სიტყვით გამოვიდა და პროფესიული სასწავლებლის „აისის“ მთელ შემადგენლობას წარმატებები უსურვა დედოფლისწყაროს რესურსცენტრის უფროსმა ეთერ დავითაშვილმა. გამოფენა დადებითად შეაფასა და ამ საქმეს ეროვნული უწოდა ასევე პოეტმა თამაზ ნიკლაურმა.

გამოფენა თვის ბოლომდე გასტანს. ენეით მხარეთმცოდნეობის მუზეუმს. ძალიან მოგწონებათ.

ლალი გურასპაული

ახალი ბიბლიოთეკა გაიხსნა



2 აგვისტოს ქალაქ დედოფლისწყაროში რაიონის ხელმძღვანელობის მხარდაჭერით, საზეიმოდ გაიხსნა განახლებული ცენტრალური ბიბლიოთეკა. ცერემონიას ესწრებოდნენ დედოფლისწყაროს მუნიციპალიტეტის გამგებელი ნიკოლოზ ჯანიაშვილი, საკრებულოს თავჯდომარე ზვიად ჯავახიშვილი, გამგობის სხვა წევრები და ადგილობრივი მოქალაქეები.

ცენტრალურ ბიბლიოთეკაში ამჟამად 74 690 წიგნია, აქედან 30 000- მდე საბავშვოა. შენობაში განთავსებულია სამკითხველო დარბაზი, ცალკეა საბავშვო განყოფილება და წიგნების საცავი.


ნიკოლოზ ჯანიაშვილმა ადგილობრივ მოქალაქეებს ეს მნიშვნელოვანი დღე მიულოცა და აღნიშნა, რომ უკვე დღეიდან მათ შეეძლებათ კონფორტულ გარემოში აიმაღლონ ინტელექტუალური დონე.



უსახელო სკვერს თამარ მეფის სახელი ეწოდა



ქალაქ დედოფლისწყაროში, რუსთაველის ქუჩაზე, პირველი საჯარო სკოლის ჩრდილოეთით მდებარე უსახელო პარკს, რომელიც მოსახლეობისთვის „სტალინის ბაღის“ სახელითაა ცნობილი, „თამარ მეფის“ სახელი მიენიჭა. დედოფლისწყაროს მუნიციპალიტეტის საკრებულოს წევრებმა შემოთავაზებულ პროექტს მხარი ერთხმად დაუჭირეს. დედოფლისწყაროს მუნიციპალიტეტის გამგებელმა ნიკოლოზ ჯანიაშვილმა სხდომაზე საკრებულოს წევრებს მიმართა ინიციატივით, რომ პარკში თამარ მეფის მემორიალური დაფა ან ბიუსტი განთავსდეს, მის შესარჩევად კი კონკურსი გამოცხადდეს.



„გენერალი“ მოკვდა, გაუპარჯოს „გენერალს“ - „ისლამურ სახელმწიფოში“ თარხან ბათირაშვილს მისი ძმა - თამაზი ჩაანაცვლებს?!

13 ივლისს გავრცელდა მორიგი ინფორმაცია, „ისლამური სახელმწიფოს“ სამხედრო მინისტრის „ჟღალი გენერალის“ ომარ ალ შიშანის (თარხან ბათირაშვილის) სიკვდილის თაობაზე. ბათირაშვილი, სავარაუდოდ, ერაყში, ქალაქ მოსულის მისადგომებთან, ბრძოლებში დაიღუპა.

ამჯერად მისი სიკვდილი „ხალიფატის“ ოფიციალურმა წყაროებმაც დაადასტურეს. მათ შორის სააგენტო „ამაქმატ“, რომელმაც მსოფლიოს ამცნო, რომ „ჟღალი გენერლის“ დაკარგვა „ხალიფატისთვის დიდი დანაკარგია. ეს ომარ ალ შიშანის მერვე და როგორც ჩანს, რეალური სიკვდილია. სიკვდილის მორიგ ცნობას ეჭვის თვალთ უყურებენ ბათირაშვილის მშობლიურ პანკისის ხეობაშიც. თუმცა, სირიაში მყოფმა „გენერლის“ ძმამ ნათესავებს შემოუთვალა სამხედრო მიიღეთო, რაც ავტომატურად გარდაცვალების დადასტურებას ნიშნავდა.

მიუხედავად იმისა, რომ თარხან ბათირაშვილის სიკვდილი, მართლაც, დიდი დანაკარგია „ხალიფატისთვის“, ეს „ისლამური სახელმწიფოს“ ე.წ. სტაფში დიდ რყევებს ვერ მოიტანს, რადგან, როგორც ცნობილია, ომარ ალ შიშანის უკან

ატარებენ) სახელი პირველად მეორე ჩეჩნური ომის დროს გახმაურდა, სადაც ის თავის რამდენიმე თანამემამულესთან ერთად იჩქერიის დამოუკიდებლობისთვის იბრძოდა. როგორც ჩანს, საბრძოლო გამოცდილება სწორედ იქ მიიღო, მოგვიანებით შეუერთდა მურად მარგოშვილის (მუსლიმ ალ შიშანის) რაზმს და მასთან ერთად მონაწილეობდა პარტიზანულ ბრძოლებში. სირიაში თამაზ ცათიაშვილი 2013 წელს წავიდა, იმდროისთვის ჰყავდა ცოლი და ორი შვილი. მას შემდეგ რაც თარხან ბათირაშვილი „ისლამური სახელმწიფოს“ შეუერთდა თავისი დაჯგუფებით, თამაზიც ძმის კვალს გაჰყვა. „ხალიფატის“ გამოცხადების შემდეგ მათ „ხელი-სუფლებში“ საკმაოდ მნიშვნელოვანი თანამდებობები ერგოთ, თარხან ბათირაშვილი გახდა სამხედრო მინისტრი, ხოლო თამაზი დღემდე „ხალიფატის“ კონტრდაზვერვის სამსახურის ხელმძღვანელის პოსტს ინარჩუნებს, ასევე აკონტროლებს ხალიფატის ციხეებს,

სავარაუდოდ, თამაზ ცათიაშვილი დგას იმ გახმაურებული აუდიოჩანაწერების უკან, რომლებიც „ხალიფატის“ ე.წ. დედაქალაქში სპეციალურად პანკისის „ჯამაათისთვის“ ჩაიწერა, აუდიო მიმართვები

დადგენენ. მიმართვის ბოლოს მეტი დამაჯერებლობისთვის აღნიშნავს, რომ: „ამას მხოლოდ ადამი არ

ლოდ თარხანი ან მისი ძმა თამაზი უნდა იყვნენ. დაახლოებით სამი კვირის წინ გაკეთდა კიდევ ერთი



ლაპარაკობს”, რაც ერთგვარი მინიშნებაა იმაზე, რომ „ადამი“ უფრო ავტორიტეტული ადამიანის პოზიციას აჟღერებს, ასეთი კი მხო-

აუდიო ჩანაწერი, რომელიც ისევე როგორც პირველი მუქარის ხასიათს ატარებს. მისი ავტორი სავარაუდოდ რუსულ ტოხოსაშვილი იგივე „ჰამზა“ ტოხოსაშვილი თავის დროზე თარხან ბათირაშვილის დაცვის და მისი უახლოესი გარემოცვის წევრი იყო. ამჟამად ის სამხედრო დაჯგუფებას ხელმძღვანელობს.


საველე მეთაური საკუთარ ნათესავებსაც მოუწოდებს „ჯიჰადში“ მონაწილეობისთვის, წინააღმდეგ შემთხვევაში ჰპირდება რომ ისინი მტრები გახდებიან.

პანკისის ხეობაში დღეს არავის სურს სირიაში საომრად წასვლა, „ისლამური სახელმწიფო“ რომელიც ყოველდღიურად ტერიტორიების გარდა მნიშვნელოვან ადამიანურ რესურსსაც კარგავს. „ხუთვარსკვლავიანი ჯიჰადი“ წარსულს ჩაბარდა. ასევე უკვე აღარ არის საქართველოში ჯარისკაცობაზე მეოცნებე „ჟღალი გენერალი“ რომელიც სულ ორიოდე წელში „ხალიფატის“ თავდაცვის მინისტრი გახდა, ამბობენ, რომ მისი შემცველი აუცილებლად გამოჩნდება და ეს სავარაუდოდ, აბდურახმან ალ შიშანი იქნება. მისი ფოტო ქართულ მედიაში პირველად ქვეყნდება.



მისი ძმა თამაზი დგას, რომელსაც აბდურახმანის სახელით იცნობს. როგორც ჩვენი სირიული წყაროები ადასტურებენ, სწორედ თამაზი გეგმავდა ომარ ალ შიშანის ყველა წარმატებულ სამხედრო ოპერაციას, მათ შორის: 2014 წლის ივნისში ქალაქ მოსულის და ტიქრიტის აღებას, რასაც 29 ივნისს „ისლამური სახელმწიფოს“ მეთაურის აბუ ბაქრ ალ ბაღდადის მხრიდან „ისლამური ხალიფატის“ გამოცხადება მოჰყვა. თამაზ ცათიაშვილის (თარხანისგან განსხვავებით მისი ძმები თამაზი და თენგიზი დედის გვარს

ერთგვარი ულტიმატუმი და მუქარის ხასიათს ატარებს, პირველი აუდიო მიმართვის ავტორი გურამ გუმაშვილი იგივე „ადამი“ უნდა იყოს, რომელიც „ისლამური სახელმწიფოს“ ე.წ. იუსტიციის მინისტრია. თავის მიმართვაში ის ხეობის ჯამაათს ბრალს სდებს რა უმოქმედობასა და „მურთადებთან“ თანამშრომლობაში, სთხოვს, რამადანის დანყებამდე ჯამაათმა ბაიათი(ფიც) მისცეს ხალიფას და ზოგადად სწორ გზაზე



სსოპსა

რეზო ზურაშვილი

უკვე 40 დღე გავიდა, რაც ჩვენთან აღარ ხარ. ამ ქვეყნიდან ჩუმად და უთქმელად ნახვედი. ერთი დღეც კი არ გაივადმყოფია, არ შეგინუხეზივართ, ჩუმად და მოულოდნელად დაასრულე შენი სიცოცხლე. ძალიან ადრე ნახვედი ჩვენგან და დაგვიტოვე დიდი ტკივილი და სევდა. გული ვერ მოიოხე შენი შვილიშვილებისა და შვილთაშვილის სიყვარულით. უზომოდ კეთილი, უწყინარი, მშრომელი და მოსიყვარული მამა

იყავი. ყველას მიმართ ერთგული და დაუზარელი. ამიტომაც გაგაცილა ყველამ დიდი სიყვარულით და პატივისცემით შენს უკანასკნელ გზაზე. ძალიან გვენატრები, მაგრამ საუბედუროდ შენზე მხოლოდ ტკბილი მოგონებებია დაგვრჩენია, ჩვენო წყნარო, მშრომელო და ჭკვიანო რეზო. ღმერთმა ნათელში ამყოფოს შენი კეთილი სული.

შენი ოჯახი.

საზოგადოებრივი კოლეჯი „აისი“ დედოფლისწყაროს განყოფილება

2016 — 2017 სასწავლო წელს საზოგადოებრივი კოლეჯი „აისი“-ს დედოფლისწყაროს განყოფილება ხვდება რეაბილიტირებული და აღდგენილი სასწავლო კლას-კაბინეტებითა და ლაბორატორიებით, შევსებული მატერიალურ-ტექნიკური ბაზით, რამაც გაზარდა მოზარდი თაობის დაინტერესება პროფესიული სწავლისადმი.

სასწავლებელში ამჟამად ფუნქციონირებს თექის ხელოსნის, ექთნის თანაშემწის, ელექტრიკოსის, ვეტერინარული მომსახურების სპეციალისტის, კალატოზისა და ტრაქტორისტ-მემანქანის სპეციალობების შემსწავლელი ჯგუფები, რომლებიც წარმატებით გადიან როგორც თეორიული ისე პრაქტიკულ სწავლებას. სტუდენტები აქტიურად არიან ჩაბმული სასწავლებლის კულტურულ და საზოგადოებრივ ცხოვრებაში.

ახალი სასწავლო წლიდან დაემატა ბულალტერ - ტექნიკოსისა და სტილისტის სპეციალობები.

ამჟამად მიმდინარეობს აპლიკანტთა საშემოდგომო მიღება შემდეგ პროგრამებზე:

1. თექის ხელოსანი / სწავლების ვადა 18 თვე/
2. ტრაქტორისტ - მემანქანე /სწავლების ვადა 6 თვე/
3. კალატოზი /სწავლების ვადა 6,5 თვე/
4. ვეტერინარული მომსახურების სპეციალისტი /სწავლების ვადა 9,5 თვე/
5. დაბალი ძაბვის ელექტრიკოსი /სწავლების ვადა 19 თვე/
6. ბულალტერ - ტექნიკოსი /სწავლების ვადა 17 თვე/
7. თმის სტილისტი /სწავლების ვადა 17 თვე/

ჩარიცხვა ხდება ტესტირების საფუძველზე კონკურსის წესით. სწავლა სრულად ფინანსდება სახელმწიფოს მიერ.

სწავლის მსურველებმა უნდა წარმოადგინონ შემდეგი საბუთები:

1. 2 ცალი ფოტოსურათი /ზომით 3X4/
2. პირადობის მოწმობის ასლი
3. განათლების მოწმობის ასლი დამონმებული ნოტარიულად
4. განცხადება /ადგილზე შევსებით /

საბუთების მიღება და იწყოს!

იჩქარეთ!

დანვრილებითი ინფორმაციისათვის გთხოვთ მიმობრძანდეთ კოლეჯში შემდეგ მისამართზე:

ქ.დედოფლისწყარო, სოფ.სამრეკლო (სოფ.ჯაფარიძე)
ტელ: 597 19 22 32 599 41 91 17

ირაკლი შიოლაშვილი - სიღნაღი-დედოფლისწყაროს „ქართული ოცნების“ მაჟორიტარი დეპუტატობის კანდიდატი



„ქართული ოცნება - დემოკრატიული საქართველოს“ თავმჯდომარემ გიორგი კვირიკაშვილმა 5 აგვისტოს კახეთის რეგიონში პარტიის მაჟორიტარი დეპუტატობის კანდიდატი წარადგინა.

სიღნაღი-დედოფლისწყაროს მაჟორიტარობის კანდიდატად „ქართულმა ოცნებამ“ დაასახელა ირაკლი შიოლაშვილი. „ირაკლი ჩვენი გუნდის წევრია. ის პროფესიით იურისტი და გახლავთ კახეთის გუბერნატორი. ზედმიწევნით იცის კახეთის პრობლემები. ირაკლი დედოფლისწყაროდან არის, დარწმუნებული ვარ, ძალას არ დაიშურებს სიღნაღელების და დედოფლისწყაროელებისთვის და ყველაფერს გააკეთებს საქართველოს პარლამენტში მათი ინტერესების დასაცავად“, - აღნიშნა გიორგი კვირიკაშვილმა.

თელავისა და ყვარლის მაჟორიტარობის კანდიდატი „ქართული ოცნებიდან“ იქნება ირაკლი სოსიანიშვილი. „ბატონი ირაკლი პირველივე დღიდან ჩვენი გუნდის წევრია. პარლამენტში ხელმძღვანელობს თავდაცვისა და უშიშროების კომიტეტს. უნესიერესი კაცია. ასე რომ, თელაველებს და ყვარელებს გეყოლებათ ძალიან გამოცდილი და საამაყო წარმომადგენელი საქართველოს პარლამენტში“, - განაცხადა პრემიერმა.

მისი თქმით, „ქართულ ოცნებას“ ახმეტაშიც გამორჩეული კანდიდატი ეყოლება. „ეს გახლავთ ბელა სამხარაშვილი. გელა უკვე გამოცდილი პარლამენტარია. წესიერი, პატრიოტი კაცია, რომელსაც უზომოდ უყვარს ჩვენი სამშობლო. დარწმუნებული ვარ, ახმეტელები მხარს დაუჭერთ მის კანდიდატურას და ღირსეული წარმომადგენელი გეყოლებათ საქართველოს პარლამენტში“, - განაცხადა პარტიის თავმჯდომარემ.

ლაგოდეხში „ქართული ოცნების“ წარმომადგენელი იქნება ბურამ მაჭარაშვილი. „ბატონი გურამი პროფესიით იურისტი, საქართველოს ადვოკატთა ასო-

ციაციის დამფუძნებელი-წევრია, გახლავთ შიდა ქართლის გუბერნატორის მოადგილე და ევროპულ და ევროატლანტიკურ სტრუქტურებში სახელმწიფო მინისტრის წარმომადგენელი შიდა ქართლის რეგიონში. მას ასევე, საბანკო სფეროში მოღვაწეობის მრავალწლიანი გამოცდილება აქვს. ლაგოდეხელებს ღირსეული წარმომადგენელი გეყოლებათ საქართველოს უმაღლეს საკანონმდებლო ორგანოში. წარმატებები ბატონ გურამს“, - განაცხადა პრემიერ მინისტრმა.

გურჯაანში პარტიის მაჟორიტარობის კანდიდატად დასახელდა დავით სონულაშვილი. „ბატონი დავითი პროფესიით ეკონომისტი. განათლება აქვს მიღებული მანჩესტერის მეტროპოლიტენის უნივერსიტეტში და ამასთან, გრენოლის უმაღლესი სკოლის საერთაშორისო ბიზნესის მაგისტრია. მუშაობდა წამყვან პოზიციებზე როგორც საჯარო, ისე კერძო სექტორში. დავითი წარმატებული ახალგაზრდაა და გურჯაანელებო, სწორედ ის გააგონებს მთელს საქართველოს თქვენს ხმას საქართველოს პარლამენტშიდან“, - აღნიშნა კვირიკაშვილმა.

საგარეჯოში „ქართული ოცნების“ კანდიდატი იქნება რომან შურიანიშვილი. „ბატონი რომანი ფინანსისტი, საკუთარი პროფესიით მოღვაწეობის მრავალწლიანი გამოცდილებით. საგარეჯო და საგარეჯოელები დიდი გულშემატკივრით იამაყებენ მომავალი 4 წლის განმავლობაში. ბატონ რომანს აქვს ასევე მდიდარი გამოცდილება კერძო სექტორში და ის აუცილებლად გამოიყენებს ამ გამოცდილებას თითოეული საგარეჯოელის ინტერესების დასაცავად საქართველოს უმაღლეს საკანონმდებლო ორგანოში, საქართველოს პარლამენტში“, - განაცხადა გიორგი კვირიკაშვილმა.

ულოცავთ!

თამაზ და ნინო ბენაშვილებს!

ჩვენო საფიცარო, გილოცავთ შვილების რამაზის და მამას ბედნიერებას. ღმერთმა გაგამრავლოთ.

თქვენი მამიდა მარინე გონაშვილი; მამიდაშვილები: ლალი და დალი გონაშვილები.

რამაზ ბენაშვილს და მამა ბაიბრიშვილს!

გილოცავთ ქორწინებას. გამრავლდით და გაიხარეთ. მარინე პაპიდა.

ლუიკო თამაძეს!

დაბადების დღეს გილოცავთ, ჩვენო სიცოცხლე. 15 წლის წინ, 10 აგვისტოს, როდესაც შენ დაიბადე უსაზღვროდ გავიხარეთ. შენ იყავი პირველი შვილიშვილი, ჩვენი სიყვარული და სიხარული, ჩვენი ვარსკვლავი-ბიჭუნა. მაშინ ვოცნებობდით, რომ გაიზრდებოდი ჯანმრთელი, ყველაზე ნიჭიერი და ზრდილობიანი შენი დედიკოსი და დეიდების მსგავსად, ახლა უკვე 15 წლის ჩვენი მზე-ჭაბუკი ხარ და ის ოცნებებიც აგვიხდა. იყავი უბედნიერესი ბიჭი, გვიყვარხარ ყველას ძალიან, ჩვენო ძვირფასო.

ბავო თამარი, პაპა ელგუჯა ცოგოშვილები.

გია (კორნაე) ალუღიშვილს!

ჩვენო ძვირფასო, დღეს ჩვენ ამყები ვართ, რადგან შენმა სათაყვანებელმა დედოფლისწყაროს საზოგადოებამ სათანადოდ შეაფასა და დააფასა შენი ღვაწლი, როგორც მხატვრის და შემოქმედის და როგორც მეცენატის, რადგან შენი ხელით დამზადებული და წრფელი გულით მიძღვნილი არაერთი ნივთი ამშვენებს ჩვენს ეკლესიებს. სწორედ ამიტომ მოგვიწყა „დედოფლისწყაროს საპატიო მოქალაქის“ ნოდება, რაც კიდევ უფრო მეტს გავალებს. გვჯერა, იმედს არ გაუცრუებ შენს გულშემატკივრებს და თაყვანისმცემლებს. იყავ ბედნიერი, ჯანმრთელი და გაიხარე შენს ცოლ-შვილთან, შვილიშვილებთან, ახლობლებთან და მრავალრიცხოვან სამეგობროსთან ერთად.



სიყვარულით, მშობლები: ვინი ალუღიშვილი და ლალი გოჭორიშვილი, და ლია, სიძე ბელა ხუციშვილი ოჯახით.

ამინდი		დედოფლისწყარო	
ორშაბათი 08.08 დღე	სამშაბათი 09.08 ღამე	ოთხშაბათი 10.08 დღე	ხუთშაბათი 11.08 ღამე
27°	26°	27°	28°
პარასკევი 12.08 დღე	შაბათი 13.08 ღამე	კვირა 14.08 დღე	კვირა 14.08 ღამე
28°	27°	29°	28°

გამომცემელი შპს „შირაქი“ დირექტორი ინგა შიოლაშვილი რედაქტორი ნაირა გორაშვილი-პოპიაშვილი წერილში მოყვანილ ფაქტებსა და ციფრებს პასუხს ავებს ავტორი.	სარედაქციო კოლეჯი: ლალი მხერინაშვილი, ილია მარტყოფლიანი (ყურნალისტები); ელზა ხარაშვილი (სტილისტ-მენეჯერი); ნათია ზოსტაშვილი (ბულალტერი); ნინო ჰანაშვილი (ოფის-მენეჯერი); მზინა ქანდაძე (დისტრიბუტორი); ზურაბ ბუნაშვილი (კომპიუტერული უზრუნველყოფა). გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „სამშობლოს“ სტამბაში.	რედაქციის მისამართი: ქალაქი დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 591-97-73-26 (რედაქტორი)	რეგისტრირებულია დედოფლისწყაროს რაიონის სასამართლოს მიერ, №6014-468.
--	--	---	---